

KENYATAAN MEDIA

10 MEI 2021

Suruhanjaya Tenaga
(Energy Commission)
No. 12, Jalan Tun Hussein,
Precinct 2,
62100 Putrajaya,
Malaysia.
T : +603 8870 8500 F : +603 8888 8637
Toll Free : 1-800-2222-78(ST)

Mahkamah Rayuan Kekalkan Keputusan Suruhanjaya Tenaga Batalkan Perakuan Pendaftaran Kontraktor NMH Engineering Services Sdn. Bhd.

Putrajaya, 10 Mei – Mahkamah Rayuan hari ini menolak rayuan NMH Engineering Services Sdn. Bhd. (NMH Engineering), terhadap keputusan Mahkamah Tinggi Shah Alam, Selangor yang membenarkan permohonan Suruhanjaya Tenaga (ST) untuk membatalkan saman pihak NMH Engineering. NMH Engineering sebelum ini menyaman ST setelah ST membatalkan beberapa perakuan pendaftaran kontraktor NMH Engineering.

NMH Engineering memfailkan tindakan di Mahkamah Tinggi Shah Alam, Selangor untuk mencabar keputusan ST membatalkan perakuan-perakuan tersebut dan antara lainnya menuntut gantirugi sebanyak RM1.2 juta. Pihak ST telah memfailkan permohonan membatalkan saman itu atas alasan tindakan yang difailkan oleh NMH Engineering adalah remeh, menyusahkan dan merupakan penyalahgunaan proses mahkamah.

Pada 17 Ogos 2020, Mahkamah Tinggi Shah Alam, Selangor telah membenarkan permohonan ST untuk membatalkan saman NMH Engineering. Pihak NMH Engineering telah memfailkan rayuan terhadap keputusan tersebut di Mahkamah Rayuan pada 14 September 2020 dan perbicaraan rayuan ditetapkan pada 10 Mei 2021.

Pada 10 Mei 2021, Mahkamah Rayuan telah menolak rayuan NMH Engineering dengan kos sebanyak RM10,000.

*****Tamat*****

Untuk keterangan lanjut, sila hubungi:

Azlinna Mohammad Jais/Zairulliati Mali/Muhammad Harith Safruddin

Unit Promosi dan Hubungan Luar

Tel: 03-8870 8753/019-3589255 (Azlinna)/013 2183778 (Zairulliati)/018 3822545 (Harith)

Emel: azlinnamj@st.gov.my/zairulliati@st.gov.my/harith@st.gov.my

MENGENAI SURUHANJAYA TENAGA

Suruhanjaya Tenaga (ST) merupakan badan kawal selia yang bertanggungjawab untuk mengawal selia sektor tenaga, khususnya industri pembekalan tenaga elektrik dan gas berpaip di Semenanjung Malaysia dan Sabah. Suruhanjaya Tenaga memastikan bahawa pembekalan elektrik dan gas berpaip kepada pengguna adalah terjamin, berdaya harap, selamat dan pada harga yang berpatutan.